

Majlis Peguam sambut baik titah Agong
Malaysiakini.com
July 5, 2011

Titah Yang di-Pertuan Agong Tuanku Mizan Zainal Abidin bahawa demonstrasi jalanan lebih banyak membawa keburukan daripada kebaikan kepada negara adalah kena pada masanya dan sangat dialu-alukan, kata Majlis Peguam.

Presidennya Lim Chee Wee berkata semua pihak perlu menimbangkan nasihat Seri Paduka Baginda dan mewujudkan keamanan.

Namun pada masa yang sama badan tersebut mahu polis mendakwa aktivis yang ditahan di mahkamah dan bukan di bawah Ordinan Darurat, katanya dalam satu kenyataan hari ini.

Tuanku Mizan dalam titah khas baginda Ahad lalu, mengingatkan semua pihak agar tidak terlalu mengikut amalan di negara lain, kerana keharmonian dan kestabilan adalah asas penting kepada sesebuah negara yang perlu dilindungi oleh semua pihak.

- Bernama

Copyright © 1999-2007 Mkini Dotcom Sdn. Bhd
<http://www.malaysiakini.com/news/168949>